



17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46

5492.30
864.1
部-17



古430
8546.2



金石文鈔

卷七目錄

江南涇縣趙紹祖琴士手輯

唐脩吳季子廟碑

大歷十四年八月正書

唐顏魯公送劉太冲敘

無年月行書

唐顏魯公劉中使帖

無年月行書

唐顏魯公奉使書

無年月行書

唐景教流行中國碑頌

建中二年正月正書

唐廣智三藏和尚碑

建中二年十一月正書

唐吳嶽祠堂記

興元元年十月行書

唐景昭法師碑 貞元三年正月正書

唐鎮國軍隴右節度使武康郡王李公林

功昭德頌 貞元五年十月八分書

唐嵩高戒壇記 貞元十一年七月八分書

唐楚金禪師碑 貞元二十一年七月正書

唐立諸葛丞相祠堂碑 元和四年二月正書

唐內侍省內侍左武衛大將軍李公墓誌

銘 元和十年四月

唐忠武軍監軍使贈雲麾將軍左監門衛

將軍朱公神道碑 長慶元年二月正書

唐義陽郡王贈越州都督刑部尚書苻公

神道碑 無年月正書

唐阿育王寺常住田碑 太和七年十二月

鼎鎮

右卷七凡十六碑姪 瓏同校

鼎萬

金石文鈔 卷七

江南涇縣趙紹祖琴士手



唐修吳季子廟記

改修吳延陵季子廟記 前試大理司直張從


申書 信都魏清海鑄

有吳之興也泰伯讓以得之有吳之衰也季子

讓以失之為讓之情同而興闕一之體異何哉

泰伯之讓讓以賢也故周有天下而吳建國焉

季子之讓賢以讓也當周德之衰而吳喪邦焉



或曰非所讓而讓之使宗祀泯絕而不血食豈
闕一能賢斯可謂知存而不知亡者矣夫治亂
時也興亡運也故至至而不可却闕一終而不
可留黃河既濁阿膠無以正其色鹽池斯鹹弊
敝不能匡其味與夫闕一濁亂之世召力勝之
戎讓與爭孰賢乎易曰知機其神則季子之見
可謂知機矣季子之明可謂知進退存亡而不
失其正矣至於聽樂辯列國之興亡審闕一知
世數之存沒挂劍示不言之信避國保無欲之

貞故有吳之祀寂寥而延陵之饗如在元風可

想至德興歎美之詞哲人其萎表墓著嗚呼之

篆向微德

闕一

兩至則夫子不復虛二歎焉詳

其精義被物鈞深致遠之旨烏可究其津涯

闕一

字窺其精仅哉是知讓之爲德德在於生靈不

獨其子孫明矣國有祀典人懷闕一思定忝列

藩條欽崇懿範于以加敬嚴乎闕宮列閨壺之

內外正衆神之序

闕一

舊以泰伯之廟在於蘇

臺而制季子之祠像設東面非由典禮諒無取

金石文鈔

卷七

正名

於軒廂春秋禮薦俎豆當陳於正寢俾闕一像

者識賢人之遺風可律審度者知經德之禮秩

無差末學陋詞不足頌其闕一烈寒來暑往敢

用同於紀年時大唐大歷十四年歲己未八月

戊戌朔廿七日甲子正議大夫使持節潤州諸

軍事守潤州刺史上柱國賜紫金魚袋新拜闕一

字戶部侍郎蘭陵蕭定字梅臣記

歐陽公甚薄張從申書然故自不惡雖未

足與李北海齊名而今世可見者惟此記


而已亦所當寶惜也記為潤州刺史蕭定

撰按史定字梅臣瑀曾孫以見惡於元載

而外遷後朱泚反詭姓名為張誕不浼於

賊則其人固大有可稱者癸丑十月琴士

識



唐顏真卿送劉太冲敘

上闕

城之華望者也自開府垂明於宋室澤州

考績於國朝道素相承世傳儒雅尚矣夫其果

行脩潔斯文彪蔚鄂不照乎核華龍驥驤乎雲

路則公山正禮策高足於前冲與太真嗣家聲

於後有日矣昔余作郡平原拒祿山而請與從

事掌銓吏部第甲乙而超升等第爾來蹉跎猶

屑卑位雖才不偶命而德其無鄰故冲之西遊

斯有望矣江月弦魄秦淮頂潮君行句溪正及

春水曷哉之子道在何居魯郡公顏真卿敘
劉太冲宣城人其弟太真唐書文藝有傳
敘中云公山正禮策高足於前者漢劉繇
字正禮繇兄岱字公山也碑今在溧水縣
學宮中癸卯秋邂逅楊君脩於秦淮客邸
出漢校官碑及此敘相贈余觀董思白戲
鴻帖中所刻其精彩較勝於此意董從真
蹟鈎摹而此則後人據拓本而翻刻者也
校官碑金薤琳琅已收故不錄乾隆癸卯

八月十九日琴士趙紹祖識

楊君脩
名崇德


溧水楊君脩以漢潘乾校官碑及顏魯公
送劉太冲敘見贈賦此爲謝

附

金陵客邸遇楊君相逢一揖便相親贈我
漢碑及顏敘古色嫋嫋可照人我聞校官
碑自宋出溧水江南古碑最難得惟有後
漢光和吳天璽前日身到尊經閣碑文三
段細摸索宣州梅君讀貫之我爲作歌紀
約畧猶憾此碑未得觀篋中難獲二美全

全石文錄
敘二
一旦寶氣繞君袖出手却立仍驚看體勢
嚴謹復橫絕筆法高古不可攀蔡邕着意
追程邈碑中用筆相後先得一已足豪况
有魯公刻昔閱戲鴻堂精彩倍煥發此碑
雖翻本不讓香光臨踈宕得古勁如見平
原心太冲兄弟世儒雅溧陽潘乾胡爲者
翻因一石知姓名吏治才聲炳區夏人傳
不傳有天幸神物騰光非虛假我今何意
獲此雙球琳珍重愛惜一日不暫捨摩娑


何啻親見碑感君愛君中心寫他日倘過
溧水須主君三日坐卧碑之下



近聞劉中使至瀛州吳希光已降足慰海隅之
心耳又聞磁州爲盧子期所圍舍利將軍擒獲
之吁足慰也


唐顏魯公劉中使帖


按盧子期之擒在大歷十年十月吳希光
之降在十一月新舊史皆同而魯公此帖
叙希光降於子期擒前蓋傳聞之異耳史
言擒子期事多不同彼李承昭李寶臣皆
身爲主帥史歸之功各就其人言之亦不



金石錄卷七
足異而新書謂爲王武俊所擒舊書王武
俊傳又云寶臣將有節生擒子期以獻今
此帖乃云舍利將軍擒獲之何其異耶有
節史既不著其姓而此帖所謂舍利將軍
者亦不舉其姓氏則此二人之不幸也舊
書寶臣爲中使馬承倩所詬武俊說之與
承嗣合曰今中貴人劉清潭在驛斬首送
承嗣立質妻孥矣然則所謂劉中使者必
劉清潭也希光後從朱泚叛賊平李晟斬

之於安國寺前癸丑七月趙紹祖識






唐顏魯公奉使書

真卿奉命來此事期未竟止緣忠勤無有旋意
然中心悵悵始終不改游于波濤宜得斯報千
百年間察真卿心者見此一事知我是行亦足
達於時命耳 人心無路見世事只天知

金石文字記載此書在同州上有公像下
有靖康元年唐重題字而余所得本無有
豈別一刻與公以峭直為宰相所忌斥逐
非一亦未必定是使希烈時書但觀其言

詞慷慨意旨悲惋彌令人歎息痛恨於青
蠅之詩也戊申三月琴士識



唐景教流行中國碑

景教流行中國碑頌

并序

大秦寺僧景淨述

粵若常然真寂先先而无元宵然靈虛後後而
妙有摠元樞而造化妙衆聖以元尊者其唯我
三一妙身无元真主阿羅訶歟判十字以定四
方鼓元風而生二氣暗空易而天地開日月運
而晝夜作匠成萬物然立初人別賜良和令鎮
化海渾元之性虛而不盈素蕩之心本無希嗜
泊乎娑殫施妄鈿飾純精閒平大於此是之中

金石文錄 卷七 碑一
隙冥同於彼非之內是以三百六十五種肩隨
結轍覽織法羅或指物以託宗或空有以淪二
或禱祀以邀福或伐善以矯人智慮營營恩情
役役茫然無得剪迫轉燒積昧亡途久迷休復
於是我三一分身景尊彌施訶戢隱真威同人
出代神天宣慶室女誕聖於大秦景宿告祥波
斯覩耀以來貢圓廿四聖有說之舊法理家國
於大猷設三一淨風無言之新教陶良用於正
信制八境之度鍊塵成真啓三常之門開生滅

死懸景日以破暗府魔妄於是乎悉摧棹慈航
以登明宮含靈於是乎既濟能事斯畢亭午昇
真經留廿七部張元化以發靈闕法浴水風滌
浮華而潔虛白邱持闕一字融四照以合無拘
擊木震仁惠之音東祀趣生榮之路存鬚所以
有外行削頂所以無內情不畜臧獲均貴賤於
人不聚貨財亦罄遺於我齋以伏識而成戒以
靜慎爲固七時禮讚大庇存亡七日一薦洗心
反素真常之道妙而難名功用昭彰強稱景教

惟道非聖不宏聖非道不大道聖符契天下文
明太宗文皇帝光華啓運明聖臨人大秦國有
上德曰阿羅本占青雲而載真經望風律以馳
艱險貞觀九祀至於長安帝使宰臣房公元齡
摠仗西郊賓迎入內翻經書殿問道禁闈深知
正真特令傳授貞觀十有二年秋七月詔曰道
無常名聖無常體隨方設教密濟羣生大秦國
大德阿羅本遠將經像來獻上京詳其教旨元
妙無爲觀其元宗生成立委詞無繁說理有忘

荃濟物利人宜行天下所司即於京義寧坊造
大秦寺一所度僧廿一人宗周德喪青駕西昇
巨唐道光景風東扇旋令有司將帝寫真轉摸
寺壁天姿汎彩英朗景門聖迹騰祥永輝法界
案西域圖記及漢魏史策大秦國南統珊瑚之
海比極衆寶之山西望仙境花林東接長風弱
水其土出火纁布返魂香明月珠夜光璧俗無
殺盜人有樂康法非景不行主非德不立土宇
廣潤文物昌明高宗皇帝克恭纘祖潤色真宗

而於諸州各置景寺仍崇阿羅本爲鎮國大法
主法流十道國富元休寺滿百城家殷景福聖
歷年釋子用壯騰口於東周先天末下士大笑
訕謗於西鎬有若僧首羅含大德及烈並金方
貴緒物外高僧共振元綱俱維絕紐元宗至道
皇帝令寧國等五王親臨福宇建立壇場法棟
暫橈而更崇道石時傾而復正天寶初令大將
軍高力士送五聖寫真寺內安置賜絹百疋奉
慶睿圖龍髯雖遠弓劍可攀日角舒光天顏咫尺

尺三載大秦國有僧佶和瞻星向化望日朝尊
詔僧羅含僧普論等一七人與大德佶和於興
慶官修功德於是天題寺勝額戴龍書寶裝瓊
翠灼爍丹霞睿札宏空騰凌激日寵賚比南山
峻極沛澤與東海齊深道無不可所可名聖
無不作所作可述肅宗文明皇帝於靈武等五
郡重立景寺元善資而福祚開大慶臨而皇業
建代宗文武皇帝恢張聖運從事無爲每於降
誕之辰錫天香以告成功頒御饌以光景衆且

輒以美利故能廣生聖以體元故能亨毒我建
中聖神文武皇帝披八政以黜陟幽明闡九疇
以惟新景命化通元理祝無愧心至於方大而
虛專靜而恕廣慈救衆苦善貸被羣生者我修
行之大猷汲引之階漸也若使風雨時天下靜
人能理物能清存能昌歿能樂念生響應情發
目誠者我景力能事之功用也大施主金紫光
祿大夫同朔方節度副使試殿中監賜紫袈裟
僧伊斯和而好惠聞道勤行遠自王舍之城隼

來中夏術高三代藝博十全始劾節於丹庭乃
策名於王帳中書令汾陽郡王郭公子儀初摠
戎於朔方也肅宗俾之從邁雖見親於卧內不
自異於行間爲公爪牙作軍耳目能散祿賜不
積於家獻臨恩之頰黎布薛慙之金剝或仍其
舊寺或重廣法堂崇飾廊宇如翬斯飛更劾景
門依仁施利每歲集四寺僧徒虔事精供脩諸
五旬餒者來而飭之寒者來而衣之病者療而
起之死者葬而安之清節達娑未聞斯美白衣

景土今見其人願列洪碑以揚休烈詞曰
真主无元湛寂常然權輿匠化起地立天分身
出代救度無邊日昇暗滅咸證真元赫赫文
皇道冠前王乘時撥亂軋廓坤張明明景教言
歸我唐翻經建寺存歿舟航百福偕作萬邦之
康高宗纂祖更築精宇和宮敞朗遍滿中土
真道宣明式封法主人有樂康物無灾苦元
宗啓聖克修真正御勝揚輝天書蔚映皇圖璫
琛率土高敬庶績咸熙人賴其慶肅宗來復

天威引駕聖日舒晶祥風掃夜祚歸皇室稜氛
永謝止沸定塵造我區夏代宗孝義德合天
地開貸生成物資美利香以報功仁以作施賜
谷來威月窟畢萃建中統極聿修明德武肅
四溟文清皇域燭臨人隱鏡觀物色六合昭蘇
百蠻取則道惟廣兮運惟密強名言兮演三一
主能作兮臣能述建豐碑兮頌元吉

大唐建中二年歲在作噩大簇月七日大耀森
文日建立時法主僧寧恕知東方之景衆也

朝議郎前行台州司士參軍呂秀巖書

舊唐書拂菻國一名大秦在西海之上貞

觀十七年遣使獻赤玻璃綠金精等物今

此碑言阿羅本於貞觀九祀至於長安是

史所未載也碑有云先天末下士大笑訕

謗於西鎬似指葉法善擠排佛法之事又


云大施主金紫光祿大夫同朔方節度副


使試殿中監賜紫袈裟僧伊斯蓋以僧而

為郭汾陽偏裨累功而封者非此碑則亦

無所傳於後世矣丙午十一月琴士趙紹

祖識





唐不空和尚碑

唐大興善寺故大德大辯正廣智三藏和尚碑

銘 并序

銀青光祿大夫御史大夫上柱國馮

翊縣開國公嚴郢撰 銀青光祿大夫彭王傅

上柱國會稽郡開國公徐浩書

和尚諱不空西域人也氏族不聞於中夏故不

書元宗

闕一字

知至德特見高印訖肅宗代宗三

朝皆為灌頂國師以元言德祥開右至尊

闕二字

初以特進大鴻臚褒表之及示疾不起又就卧

內加開府儀同三司肅國公皆牢讓不允特賜
 法号曰大廣智三藏大歷闕二夏六月癸未滅
 度於京師大興善寺代宗為之廢朝三日贈司
 空追謚大辯正廣智三藏和尚荼毗之時詔遣
 中謁者齋祝文祖祭申如在之敬睿詞闕一切
 嘉薦令芳禮冠羣倫舉無與比伊年九月闕一
 以舍利起塔於舊居寺院和尚性聰朗博貫前
 佛萬法要旨緇門獨立邈盪盪其無雙稽夫真
 言字義之憲度灌頂升壇之軌迹則時成佛之

速應聲儲祉之妙天麗且弥地普而深固非末

學闕一能詳也敢以概見序其大歸昔金剛薩

埵親於毗盧遮那佛前受瑜伽最上乘義後數

百歲傳於龍猛菩薩龍猛又數百歲傳於龍智

阿闍梨龍智傳金剛智阿闍梨金剛智東來傳

於和尚和尚又西遊天竺師子等國諸龍智阿

闍梨揚擢十八會法闕一化相承自毗盧遮那

如來馳於和尚凡六葉矣每齋戒留中道迎善

氣登禮皆答福應較然温樹不言莫可記已西

金石錄

闕

字

域隘巷一鳥奔突以慈眼視之不旋踵而鳥

伏不起南海半渡天吳鼓駭以定力對之未移
晷而海靜無浪其生也母氏有毫光照燭之瑞
其歿也精舍有池水竭涸之異凡僧夏五十享
年七十自成童至于晚暮常飾共具坐道場浴
蘭焚香入佛知見五十餘年晨夜寒暑未嘗須
臾有傾搖懈倦之色過人絕遠乃如是者後學
升堂誦說有法者非一而沙門惠朗受次補之
記得傳燈之闕一繼明佛日紹六為七至矣哉

於戲法子永懷梁木將紀本行託余勒崇昔承

微言今見几杖光容眇漠壇宇清愴纂書昭銘

闕一子何攘銘曰

嗚呼大士右我三宗道為帝師秩為儀同昔在

廣成軒闕一順風歲逾三千復有肅公瑜伽上

乘真語密契六葉授受傳燈相繼述者膝之爛

然有第陸伏狂為水息天吳慈心制暴慧闕一

降愚寂然感通其可測乎兩楹夢奠雙樹變色

司空寵終辯正旌德天使祖祭宸衷悵惻詔起

寶塔舊

闕一

之隅下藏舍利上飾浮屠跡殊生

滅法離有無刻石爲偈傳之大都

建中二年歲次辛酉十一月乙卯朔十五日已

巳建

顧亭林云不空以僧而官至大鴻臚開府

儀同三司肅國公遂爲後代沙門授官之

祖然余按舊史中宗二年僧會範道士史

崇元等授官封公以賞造聖善寺功也則

授官不始於不空矣壬子十一月紹祖識

唐吳嶽祠堂記

吳嶽祠堂記 將仕郎守太子正字馮翊冷朝

陽書

唐興元元年十月十一日國之元輔鳳翔隴右

涇原四鎮北庭兼管內副元帥司徒兼中書令

西平郡王李公晟有事于吳山之祠虎暢

闕一字

驅鳥隼之旗昇降林嶺不躑不呼縈松拊嵐以

屈于祠下公遂以神之

闕一字

感告于座客公異

忝脩賓佐管文記之任操觚染翰恭而書之初

相國涼公鎮鳳翔字闕二以中軍委公字闕三各橫

軼倫伍大歷四年屬天降灾沔不雨踰時土山

方焦大水成陸封內山鎮令官攘祈字闕一命公

禱于吳山公於是氣肅體虔桂酒瓊筵公告神

以灾沔神饗公之吉蠲明能通幽實在俄頃雲

油雨霏霏優渥沃瘠膏字闕一公私必濡既皂

且房歲穀大熟遽申報禮人咸異之由是公心

有所奉動符冥應招神尸世人任灑掃之事其

後拔王命提偏師救亂于蜀陞剪戎于邛夔曾

不踰時弨弓反旆繼以叛將擁眾兩河繹騷公

鼓行而東且討且字闕一洹水盡敵魏橋制勝兵

未及而趙北圍解氣有餘而清苑凱捷壁渭川

則殷若長城復皇都則字闕一如破竹冥苻幽贊

於是乎在無何優詔拜公上公極人臣之寵且

以西門之務委焉公本之禮經山在封內者得

崇祀典况吳山德於我乎具以上聞特請褒異

詔使中使孟希价持兪賜神錦袍金帶夫人花

冠等焜耀洞宇發揚幽昧山鎮之秩字闕一于方

金石文錄 卷七 三吳嶽祠堂

岳矣徵諸故事當開元廿八年詔使正議大夫
內常侍竇元禮賜食致祭至天寶八年哥舒翰
拔石堡破蕃蠻封神爲成德公至德乾元之間
累有褒闕一字号爲天嶽王則神之宣力有自來
矣人或以公曩之感神駭于視聽公異以爲吳
嶽者含蓄雲雨蟠厚地而柱蒼旻天地之山也
李公持顛定傾蘇羣生而戴天子社稷之山也
與夫喬嶽巨鎮均功並用肱蠻氣合何其恠哉
鐘鼓樂之苾芬薦之人神欣欣既晝斯夕宜矣


山之廣袤載于方志略而不述所述者公之感
通與其年月敢學舊史實而無華掌書記朝散
大夫殿中侍御史內供奉于公異奉命爲記

右吳嶽祠堂記于公異文冷朝陽書文既
簡明書亦道勁唐碑中之佳者也李晟平
朱泚收京城公異爲露布上行在云臣已
肅清宮禁祇奉寢園鍾簾不移廟兒如故
德宗覽之泣下故宜其文精拔爲時所稱

吳嶽在雍州據爾雅河西嶽之文則吳嶽

在周五嶽之內而自漢以來並以中嶽爲
嵩高而吳嶽不與故此碑但云山鎮之秩
同于方岳耳乾隆丙午四月趙紹祖書於

潤州學舍



唐景昭法師碑

華陽三洞景昭大法師碑

并序

朝議大夫檢

校國子司業兼御史中丞吳縣開國男陸長源
撰 朝議大夫檢校尚書兵部郎中兼侍御史
上柱國竇泉書并篆額

夫載宇宙懸日月提萬象而首出者其唯道乎
夫通聖神該品彙冠百靈而獨立者其唯人乎
道所以包渾元經始萬象者也人所以稟淳粹
司會百靈者也故人因道而集祉道因人而垂

金石錄 卷七 碑一
休不宰之功兆乎造物無言之德洽乎生民然後蕭散乎汗漫之間沖融乎希夷之表與天籟而吹萬並谷神而長存者矣紫陽真人大法師諱景昭字懷寶本丹楊延陵人也其先系自顓頊大彭之後在虞爲陶唐氏在夏爲御龍氏在商爲豕韋氏因國命氏芬馥募延至于裔孫孟孟爲楚太傅賢爲漢丞相昭入吳爲侍中昭兄慎爲司空法師即吳司空之十六代孫也司空薨葬于延陵子孫因而家焉祖道會父思藏皆

邱園養素道高跡隱載于列仙之籍法師方姪稟異自幼表竒孕元和之粹靈體太元之妙質初以素書發跡配度于延陵之尋仙觀後以丹臺著稱繇居于長安之肅明觀屬元宗廣成問道姑射願神放心於凝寂之場垂拱於穆清之上法師因得羽儀金籙頡頏玉繩藉藉京師垂廿載爰辭上國思還故鄉重繇茅山之太平觀天寶中與元靜先生奉詔修功德造紫陽觀因而居焉遂於鍊丹闕一傳黃素之方修齋醮之

金石錄 卷七 碑二
法祥雲瑞鶴飛舞於壇場甘露神芝降生於庭
院初法師師事大法師包士榮榮師事崇元觀
道士包法整整師事上士包方廣廣師事華陽
觀道士王軌軌師事昇元先生王遠知知師事
華陽隱居陶宏景自道源錫派元教傳宗玉堂
銀闕之人羽蓋毛旌之客府無虛藉代有其徒
法師至行稽乎无化通識合于靈造與其有也
萬物不得而不有與其無也萬物不得而不無
得喪以春秋爲死生盈虛以天地爲旦暮雲外

席頭之佩雪中鶴警之裘孩季通而撫子元帥
仇公而祖黃太教戒示乎傳授服餌見乎延長
侍杖屨者跡徧于江湖傳經籙者事同乎洙泗
一居山觀三紀于茲還神契乎時來寂魄同乎
物故以貞元元年十一月癸卯委蛻于紫陽之
道場顏色怡悅屈伸如常春秋九十有二以其
月巳酉遷神于雷平山之西原元靜先生壽宮
之左傳授蘇州龍興觀道士臯洞虛得冲虛之
妙用躡上真之元蹤梁市之客員來華陽之人

金石文錄 卷七 碑三
間出矣道士韋崇珣主修齋醮祭俯仰百度道士朱惠明掌法錄經書修真祕訣法師上編仙籙傍契道樞神含渾元德與淳粹誘進羣動感通衆靈邈然非寰宇之間超然在風雲之表至如身纏世故跡混俗塵發忠孝以飾躬演信義而旌行蓋隨時而不器豈常道之可師歟浙江東西節度支度判官檢校尚書兵部郎中兼侍御史扶風竇公曰泉布武區中棲心象外與法師聲同道韻理契德源追往想琴高之祠傳神

著務光之傳見微副墨用琢他山其詞曰

惟道之大提功混茫惟人殆庶與道迴翔素韻凝寂元功靈長肇形無跡啓迪逾光矯矯法師錫羨華陽本族命氏在虞系唐御龍事夏豕韋居商嶷然靈表自幼而彰理冠容成質伴夏黃尋仙發跡肅明始揚宵禮金殿晨朝玉皇丹臺道侶白雲帝鄉楚山萬里故國丹楊醮宮鳴馨齋室焚香芝生庭院鶴舞壇場茅君祕洞葛氏真方來時去順齊彭洎殤化鱗風翥委蛻雲驤


峯巒邈迤松桂蒼蒼塵生杖屨苔染巾箱龍銜
彩毼虎綴盤囊闐風元圃瑤軒玉堂追存如在
頌德不亡孤石巋然萬古連岡

太平觀道士徐元沼道士許長久徐則內行克
修外通儒學許則宿推公幹虔奉真宗

貞元三年獻春正月上元之辰建造 清河張
伯倫刻字

顏魯公李元靖碑謂景昭爲元靖之門人
此碑乃云師事包士榮蓋景昭曾爲元靖

所使與魯公書札往來後又爲元靖求碑
銘於魯公故公誤以爲元靖之門人耳碑
陸長源文寶泉書泉嘗作述書賦收羅美
富闡幽發微可謂極書家之意趣者故宜
其書之老健如是乙卯三月琴士識



唐李元諒林功昭德頌

大唐潼關鎮國軍隴右節度使檢校尚書右僕射兼御史大夫舉州刺史武康郡王李公林功昭德頌 并序 中大夫行中書舍人上騎都尉昌平縣開國男張濛撰 朝散大夫守衛尉少卿淮陽縣開國男韓秀弼書 朝散大夫守宗正寺丞李彛篆額

聖唐九葉皇帝平內盜攘外夷中興 闕一圖以

崇 闕一 業乃命潼關鎮國軍節度使檢校尚書

右僕射兼御史大夫舉州刺史武康郡王李元
諒整兵隴右分鎮京西朝野訢以爲宜軍州翕
而言贊干雲闕一日期在於茲謂公星辰
之精山河之靈或穆英明爲國而生者也於是
行軍司馬兼御史中丞董叔經以州人感公救
其塗炭荷公拯其瘞癘露表羣下闕臣聞鼓天
下之大節莫先於忠義卻天下之大難莫出於
才能奏勲庸播金石以爲天下表莫盛於碑版
然則陛下寶臣元諒雄傑英勇沉斷明謀虎牙

之望風成龍額之封果及武有七德而克用爲
模文有九功而能舉爲法故輝燭方郤稅稗韓
彭桓桓然徇國之功皆可揭而昌言也昔陛下
薄狩郊甸爰幸巴梁虵虺畜而毒生豻狼飽而
害作內異宮闕黨與譎張何望之墾掘咸林敬
釭窺覷闕一坂同相扇傾陷臣州元諒時
以散員副戎闕鎮無一闕一之士無一旅之衆

感憤而發招輯白徒斬賊使於潼津破賊將於
敦谷乘勝連擊遂克城池閭閻載安室家相慶

此其徇國之功一也勇而重閉以備不虞創

字是徵板榦環迴裹於脩郭延袤載於通衢與

防馳突之鋒庶窒搜牢之掠四封輻湊不震不

驚益兇豎東顧之憂壯義夫西討之勢此其徇

國之功二也州之器備自昔其空乃剔鑊鼓為

兵撤氈影為甲剡蒿揉為弩載簣鞞為排嚴約

誓於五中肅部隊於三令勞逸斯共甘苦必分

德以導其懷刑以齊其力義以啓其憤

發其誠由是士皆嚮方樂公戰矣此其徇國之

功三也藉馬蒐乘補卒濟師始編簿者二千終

載書者一萬進次昭應稟令於副元師分援於

尚可孤之軍列七光泰之壘元兇怙衆犯我中

營或靡旌而來或掉鞅而去因其去也霆激颯

衝分翼夾馳

字一覆其陣血鬪滌川之水屍膏

瀟岸之

字一狡勢遂窮不能復振此其徇國之

功四也蒼茫御苑橫轟長雲摧百堵而洞開擁

三軍而徑入姚令言望旗而潰張光晟奔甲而

其恂恂之徒拒我堂堂之衆一戰而北竄死真
寧氛禳廓而黃道清腥穢消而彤庭肅頌師章
敬都邑晏如迎大駕復於咸秦還大兵戢於陰
晉此其徇國之功五也李懷光阻河闕四戈鋌
北連絳臺南抵黃巷選闕一方之健將保朝邑
之離宮陛下特詔攻圍重鞠戎旅摠于經略不
冒闕一涼或掎擊其救兵或邀絕其餽卒力殫
命闕一困而求降未殲當路之豺且磔吹籬之
犬此其徇國之功六也進屯河縣接邏關橋雖

竹纜已焚而木鬣將渡大憝知窘猶懷鬪心乘
暗出奇幸於有勝遲明遇伏闕一以無歸闕一

蹙窮城自絞中閭三條闕一謚二輔斯寧此其

徇國之功七也戎羗不道俶擾西陲驟掠邠涇

采入鹽夏狃其橫猾溽暑仍留苟不用權若何

攘暴迺勵我鷹揚之旅乘其馬瘠之時張皇軍

形緩闕一令逸然後排烽結隊如竈翻營師未

逾於洛源寇已退於河曲此其徇國之功八也

婪婪蕃虜匿詐求和重違修闕一之言用許尋

三李元諒頌

盟之約諸軍畢會是獨沉疑陳其不誠請以為
 脩且曰古者諸侯相見兵衛不撤警也今犬羊
 反覆未可以端信待之乃拒平涼二十所里柵
 為壁塹闕一壕設晉師敖前之伏修楚臣勁後
 之殿練銳三千涉涇式遏既而升壇將歆果以
 惡來聲若河翻勢如山進望我旗鼓驚貽而還
 禦侮之道既宏折衝之威亦著此其徇國之功
 九也良原縣闕一在涇闕一西墜窮邊罹彼煙
 塵剪為荆棘闕二經啟密命興功遂發軫而遽

行即建標而特起恢其制度峻以規模役不二
 旬隱然岳立乃修廬井乃闢田疇商旅闕一通
 流庸偕附烽候交於塞表保障連於峽闕一雖
 周築虎牢漢憑馬邑遏于亂略曾何足云此其
 徇國之功十也朝廷所以降丕命策高勲重位
 以崇之豐爵以榮之歌鍾以樂之邸宅以寧之
 自建中以來衛社稷之臣秉旄鉞之將除宰輔
 董戎外其孰能疇闕一於此哉况明允象賢勤
 於理要清恕以康黎獻簡恤以裕公私推信義

宏敬讓薄九賦勵三農抑浮窳之風興廉正之
 教一年而人知禁二年而人知惠三年而人知
 愛四年而人知誦夫然故安可使楸功昭德沉
 隱無聞者歟願聽率人篆之樂石制曰可於是
 耆壽荔非昇古沙門釋僧惠道士游方外等千
 乃心萬乃口喜從所欲祈我筆端乃約奏章以
 纂成績公舊名元光姓安氏武威姑臧人蓋黃
 軒帝孫降居安息高陽王子留宅始減僕射元
 魏之股肱武衛巨唐之牙爪世濟其貴公又昌

明而弱歲羈孤感於知己

闕三

之族從駱統之

宗嘗鎮潼關

闕二

益重復我武節克建戎勲天

子以敦淳可親誠明可信更名錫氏以昭實焉

書所謂踐脩厥猷靈承于寵者矣若夫按功玉

府譔德侯家雖馮異無言已傳徽於昔歲而吉

甫作頌庶宏美於今辰詞曰

泚泚武康方有虔秉鉞即戎臨敵方原火烈烈

隊如星方陣如雪進如流方止如載轉電激方

衝風發壞苑垣方復宮闕既東征方又西伐輦

鼓雄方才氣傑滌昏霾方掃妖孽河瀆清方涓
源澈功既成方恩亦結倚鐵防方資金闕一舉

山麓方敷水漑惠汪濊方威凜洌庶疇安方羣

盜絕舞闕一童方歌大臺城宰雲方營偃月望

麾幢方想旌節樹豐碑方頌英哲詞不媿方勲

不滅

貞元五年十月十一日建

明萬歷六年冬十一月二十有一日賜進士

第華州知州丹陽石闕一麟重建

右李元諒林功昭德頌張濛所撰濛自言

約行軍司馬兼御史中丞董叔經之奏章

而成者也碑序元諒之功與史畧同惟李

懷光之死史云為大將牛名俊所斬碑云


自絞中閭疑碑為得其實或懷光死後名

俊斬其首以為功也張濛見舊史德宗本

紀貞元四年和重陽賜宴詩上品其優劣

以劉太真為首而濛則與殷亮等在又次

之列者癸丑十月趙紹祖識



唐嵩高戒壇記

汝州刺史兼御史中丞陸長源撰

嵩高得天下之中也所謂名山福地異人靈跡
往往而有漢晉間高僧植貝多子於西峯一季
三花因爲浮圖遂爲寰中之真境又有兩阜中
斷豁爲石門飛流縈回以噴薄喬木森竦以帑
護先是有高僧元同律師一行禪師鏟林崖之
歆傾填乳竇之竅襍甃玉立殿結瓊構廊梅檀
爲香林琉璃爲寶地遂置五佛正思惟戒壇思

惟者以佛在貝多樹下思惟因名貝多爲思惟
即三花之義在此自河洛煙塵塔廟崩禿上都
安國寺臨壇大德乘如脩慈業廣秉律道尊志
度有緣法庇羣動慨茲堙墜遂爲聞徹尋有詔
申命安國寺上座藏用聖善寺大德行嚴會善
寺大德靈珙惠海等任持每季建方等道場四
時講律藏用上人逸躅徧尋高情獨邁美殿塔
之嚴麗賞泉石之勝絕其跡不朽其教益宏於
是鐘梵相聞幡蓋交蔭豈獨鑪峯名嶽空記遠

公之行沃洲精舍重述道林之跡時貞元十一
祀龍集乙亥大火西流之月也 河南陸郢
書并篆額 填闕大德照空道顒了真道覺寺
主懷賁都維那明徹前都維那幽蘭 登封縣
令徐暈 宏農楊誠刻

此以陸長源文陸郢書收之郢八分雖乏
漢意然方整刻削亦有可觀史稱長源以
峻法繩驕兵因以致禍意其人當爲崛強
自好之士而文殊靡靡不稱其爲人何耶

金在... 卷七
碑一
夢諸佛是生禪師真可謂法王之子者也行素
顏玉神和氣清七歲諷花經十八講花義三十
搆多寶於千福四十入帝夢於九重上覩法名
下見金字詰朝使問罔不有孚聲沸江海豈惟
京轂於是傾玉帛引金繩千梁攢空一塔聳漢
迴廊飛閣無不創焉風起而鈴鳴半天珠懸而
月生絕頂清淨眼耳駿奔香花度如恒沙而無
所度者有之矣嘗於翠微悟真捫蘿靈趾乃曰
此吾棲遁之所遂奏兩寺各建一塔咸以多寶

爲名度緇衣在白雲昭其靜也矧夫心洞琉璃
思出常境工人杼匠僉訝生知毗首所未悟斑
翰所愕視若夫則浮啣之化髻珠之教風靡干
界皆禪師之力豈止真丹五天而已哉禪師雲
雷發空谷之響金石吐鏗鏘之音吟詠妙經六
千餘遍寶樹之下髣髴見於分身靈山之上依
俛覲於三變心無所得舌流甘露瑞鳥金碧棲
于手中天樂清洽奏于空際凡諸休應皆不有
之乃曰法本無名焉用彼相長而不宰其在茲

焉若非法花三昧稟自衡陽止觀一門傳乎台
嶺安能迂爲王之法駕迴聖主之宸睠承明三
入宏道六宮后妃長跪於御筵天花每散而不
著元宗題額肅宗賜幡鵲返雲中住香樓而不
下龍蟠天上挂金剎而常飛玉衣盈箱璽書滿
篋寫千經滴瀝而垂露蒼萬乘渙汗之渥澤夔
龍貂冕下黃道以整襟隱逸高僧入青蓮而扣
寂微塵知識如從百城而至無邊勝士若自千
花而來豈榮冠於一時亦庶幾於佛在也雖林

茂鳥歸人高物向澄渟天地之鏡委曲虛空之
姿無來乃來不往而往所作已訖吾將去乎有
夢綵座前迎諸天獻菓粵以乾元二年七月七
日子時右脇薪盡火滅雪顏如在昭乎上生於
安養之國矣享齡六十二法臘三十七天子憫
焉中使弔焉尋勅驃騎大將軍朱光暉監護即
以其年八月十二日法葬于長安城西龍首原
法華蘭若塔之禮也於戲禪師韶年詔度初配
龍興中歲觀心閉關千福罷玉柄葆天光悟炎

宅清凉駕一乘獨運乃夢塔從地涌因用摸焉
今之所製抑有由矣至若神光耀耀於其巔聖
燈明滅於其下盡普賢則舍利飛華會羣釋乃
卿雲澹空頂中之血刺寫經王衣裹之珠指呈
醉士當其無有其用不立心境同乎大通彼五
色之相宣我摩尼之何有豁如也縑纈皮草多
由損生屬徒衣布寒加艾納慈至也若乃降龍
之鉢解虐之杖蓮花之衣甘露之飯凡諸法物
率多勅賜不住於相咸將施焉室不貯於金錢

堂每流乎香積澹然閑住爲天人師允所謂利
見於大雄釋門之亞聖者也又曰吾自知終於
六十有二矣尔曹誌之以其言驗其實宛如也
噫八部增怛萬國同哀有詔令荼毗遵天竺故
事於是金棺閑香木燒玉兔馴白鶴唳霧咽松
檟風悽郊垆月飛青天無照元夜法花弟子當
院比丘慧空法岸浩然等表妹萬善寺上座契
元萬善寺建多寶塔比丘尼正覺資敬寺建法
華塔比丘尼奔吒利等眞白凡數萬人悲化城

之不住痛寶所而長往貝葉翻手孰指宗通金
磬發林誰宣了義以予分座御榻同習天台爰
託斯文鏤之貞石式揚真古敢不銘云

天上雲飄海中日出如何落照大明奄失蓮花
之外別有蓮花寥廓之表又逢寥廓法離去來
道無今昨松門一塔方誰爲寂寞寂而常照死
而不亡其響彌高方其德彌彰白鶴雙雙飛香
郁郁明月既出更無星宿

建塔國師奉勅追謚號記 以貞元十三年四

月十三日左街功德使開府邠國公竇文場奏
千福寺先師楚金是臣和尚於天寶初爲國建
多寶塔置法華道場經今六十餘祀僧等六時
禮念經聲不斷以歷四朝未蒙旌德伏乞聖慈
特加謚號以廣前修奉勅宜賜謚曰大圓禪師
中書門下准勅施行者今合院梵侶敬承恩旨
頂奉修持用資皇壽將恐代隔時遷真蹤靡固
輒刊碑末以紀芳猷遠追鷲嶺之風聿光不朽
之跡

貞元廿一年歲在乙酉七月戊辰朔廿五日壬辰建
廣平宋液摸刻

右楚金禪師碑後有貞元十三年追謚號
記按碑楚金卒於乾元二年碑建於貞元
廿一年蓋吳通微追書飛錫之所撰而并
附之者也碑之所載與多寶塔碑大略相
同多寶塔既刻於金薤琳琅故余亦取此
碑而錄之嘉慶二年正月九日趙紹祖識

唐立諸葛武侯祠堂記

蜀丞相諸葛武侯祠堂碑 節度掌書記侍御

史內供奉賜緋魚袋裴度撰 營田副使檢校

尚書吏部郎中兼成都少尹侍御史賜紫金魚

袋柳公綽書

度嘗讀舊史詳求往哲或秉事君之節無開國
之才得立身之道無治人之術四者備矣兼而
行之則蜀丞相諸葛公亮其人也公本系在簡
冊大名蓋天地不復以云當漢祚衰陵人心競

逐取威定霸者求賢如不及藏器在身者擇主而後動公是時也躬耕南陽自比管樂我未從虎時稱卧龍詩曰潛雖伏矣亦孔之昭故州乎心與元直神交泊乎三顧而許以驅馳一言而定其機勢於是翼扶劉氏纘承舊服結吳抗魏擁蜀稱漢政行達於荒外道化行乎域中誰謂阻深殷爲強國誰謂輕脆勵爲勁兵則知地無常形人無常性自我而作若金在鎔故九州之地魏有其七我無其一由僻陋而啓雄圖出封

疆以延大敵財用足而不曰浚我以生干戈動而不曰殘人以逞其底定南方也不以九制而取其心服震疊諸夏也不敢角其勝負而止候其存亡法加於人也雖死徙而無怨德及於人也雖奕葉而見思此所謂精義入神自誠而明者矣若其人存其政舉則四海可平五服可傾而陳壽之評未極其能事崔浩之說又詰其成功此皆以變詐之略論節制之師以進取之方語化成之道不其謬歟夫委棄荊州不能遂有

三郡此乃務增德以吞宇宙不黷武以爭尋常
及出斜谷據武功分兵屯田謀久駐之計與敵
對壘待可勝之期雜乎居人如適虛邑彼則喪
氣我方養威若天假之年則繼大漢之祀成先
主之志不難矣且權傾一國聲震八紘上下無
異辭始終無愧色苟非運膺五百道冠生知曷
以臻于此乎故元德知人之明者倚仗曰魚水
仲達奸人之雄者嗟稱曰天下奇才度每迹其
行事度其遠心願奮短札以排羣議而文字虽

鄙曰曰

二字旁註
志願二字

未果元和二年冬十月聖上

以西南與區寇亂餘孽罷屯未息汚俗未清輟
我股肱爲之父母乃詔相國臨淮公由秉鈞之
重承推轂之寄戎軒乃降藩服乃理將明帝道
陬落綏懷溥暢仁風閭閻滋殖府中無留事宇
下無棄才人知嚮方我有餘地則諸葛公在昔
之治與相國當今之政異代而同塵矣度謬以
庸薄獲叅管記隨旌旄而爰止望祠宇而修謁
有儀可象以赫厥靈雖徽烈不忘而碑表未立

古者或拳拳一善或師長一城尚流斯文以示
來裔况如仁之歎終古不絕其可闕乎乃刻貞
石庶此都之人存必拜之感云爾銘曰
昔在先主思啓疆宇擾攘靡依英雄無輔爰得
武侯先定蜀土道德城池禮義千櫓煦物如春
化人如神勞而不怨用之有倫柔服蠻落鋪敦
渭濱攝跡畏威雜居懷仁中原旰食不測不克
以待可勝允臻其極天未悔禍公命不果漢祚
其亡將星中墮反旂鳴鼓猶走司馬死而可作

當小天下尚父佐周阿衡佐商兼齊管晏總漢
蕭張易代而王易地而理遭遇豐約亦皆然矣
嗚呼竒謀奮發美志天遏吁嗟嚴立咸受謫罰
聞之痛之或泣或絕甘棠勿剪駢邑斯奪繇是
而言殊塗共轍本于忠恕孰不感悅苟非誠慤
徒云固結古栢森森遺廟沈沈不殄禋祀以迄
于今靡不駿奔若有照臨蜀國之風蜀人之心
錦江清波玉壘峻岑入海際天如公德音

元和四年歲次己丑二月二十九日建 鐫字

金石錄
卷七
人魯建

舊唐書柳公綽傳武元衡罷相鎮西蜀與
裴度俱爲元衡判官尤相善先度入爲吏
部郎中度以詩餞別有兩人同日事征西
今日君先捧紫泥之句此碑之立正其同
在元衡幕下時也公權書名烜赫而不知
公綽之書正復遒勁如是蓋時爲其弟所
掩而正不必以此自表見耳乾隆癸丑三
月趙紹祖識

唐李輔光墓誌

唐故興元元從正議大夫行內侍省內侍知省
事上柱國賜紫金魚袋贈特進左武衛大將軍
李公墓誌銘并序
朝議郎行尚書刑部員外
郎崔元略撰
宣德郎前晉州司法叅軍巨雅
書

王者統極垂理其外必有英哲宣力股肱其內
必有專良布達心膂以成帝道古今而言君臣
相會兼之者鮮矣厥有內侍李公可謂會而兼

之者也公監軍河中以元和十年正月十七日
薨于官次行路悽咽元戎以聞皇帝軼悼寵以
殊禮褒贈特進左武衛大將軍品冠朝端位崇
禁衛詔下之日人不謂優有以見公出入中外
始終無過之地矣公諱輔光字君肅其先京兆
涇陽人也曾祖望皇京兆府華原縣令祖萬靖
皇涇王府長史父思翌皇涇州仁賢府左果毅
賞緋魚袋公即果毅之第三子也質表華茂氣
懷恭敏建中歲德宗御宇時以內臣干國率多

縱敗思選賢妙以正官掖故公特以良胄入侍
充白身內養俄屬皇輿巡幸公於斯時忝侍指
顧應對皆愜遂賜綠超授奚官局令勲以元從
之号其年又遷掖庭局令興元初輦入宮闈公
屢含天憲復命之日皆中機要遷內侍伯時有
北虜入覲將以戎馬充獻數盈累萬國朝故事
每一馬皆酬以數十縑帛拒之即立爲邊患受
之即王府空竭公承命爲印納使迎之朔陞諭
以信實交領之際虜不敢欺必以精良

闕二後

充筭省費之技億兆相懸生靈所資安危是繫
即公之於國可謂有大功矣聖情歡悅遂有銀
章朱紱之賜由是方隅重事成所委屬嶺嶠之
南漸于海日邕管地偏人狡闕三將有歟溪洞
連結爲盜者僅廿萬衆王命稽擁逮于周歲隣
道節使咸請進討德宗皇帝且曰以吾人伐吾
人剋之非利於是命公拒論駟闕三遽臨所部
公乃詵詰疑懼昭示恩威浹辰之間咸知所向
公素練兵機具見胥闕二巡視川谷占其要害

奏請於海口置五鎮守提至今帖然人受其賜
獻功未幾又屬太原軍帥李自良薨于鎮監軍
使王定遠爲亂兵所害甲士十萬露刃相守公
馳命安撫下車乃定便充監軍使前後三易節
制軍府晏如十五年間去由始至遂特恩遙授
內給事又有金章紫綬之賜元和初皇帝踐祚
旌寵殊勲復遷內常侍兼供奉官明年銀夏禪
將楊惠琳西蜀副倖劉闢或以長師薨歿皆恃
塞怙險初有邀君之心終成悖亂之跡公密表

請發當道步騎誅討功成之日優詔褒美曰卿志懷嫉惡情切奉公繼遣偏師剋平二寇雖嘉將師之勤足見監臨之効拜內侍省內侍知省事中署之貴寵極于此尋因入覲懇請留侍乃充鴻臚禮賓使又轉內弓箭庫使曾不累月皇帝以蒲津重鎮監統務切復除河中監軍兼絳州銅冶使自元和四年至九年元戎四換交代之際人心如一斯蓋公約已廉與士信靜專動和推安便物之所致也聖恩表異圖形省閣易

簀之日享年七十有四以其年四月廿五日吉辰遷窆於涇陽縣咸陽原之陰詔下所司脩鉦鼓笳簫儀衛禮物中使監導出于都門榮觀路人寵被幽壤仕君子聞者咸亦知勸夫人輔氏邑号扶風郡閨儀端懿母德温淑如賓之敬見于喪禮有子四人長曰耆晏前將仕郎掖庭屬宮教博士次曰仲昇開府儀同三司檢校太子詹事兼殿中侍御史充河東節度保寧軍使次曰耆暹內養將仕郎守內侍省內府局丞次曰


金石錄卷之四
志四
希昇並皆克奉規訓志存忠孝懿勲茂績始見
其進也門吏晉州司法叅軍巨雅以元略長兄
嘗賓于北府以元略又從事中都俱飽內侍之
德將命錄實見託爲誌勒之貞石且無愧詞銘
曰
涇水之涘高原崛起其上新墳葬我將軍將軍
之德實彰家國水竭原遷斯文乃傳


右唐內侍李輔光墓誌巨雅正書方整道
美雅有楷則按史貞元十年黃洞首領黃

少卿叛孫公器請討之德宗不許命中人
招諭不從後卒用兵至太和而後止今証
以此碑則所使中人卽輔光也碑特虛張
其功績耳碑又云太原軍帥李自良薨於
鎮監軍使王定遠爲亂兵所殺公馳命安
撫下車乃定按通鑑據實錄載定遠踰城
而墜爲枯枿所傷而死舊唐書以爲定遠
傷而未死有詔削奪長流崖州而皆不言
爲亂兵所殺輔光唐書無傳而見於裴洎

傳中云嚴綬守太原政一出監軍李輔光
洎刻其懦以李鄜代之蓋自良卒後軍帥
爲李說而鄭儋代說嚴綬代儋鄜又代綬
卽碑中所云前後三易節制軍府晏如者
當時宦官倚權勢以陵軍帥而碑易惡爲
美可謂有愧于辭故觀金石者實事則當
證之于碑虛譽則當攷之於史也又楊惠
琳劉闢之叛嚴綬遣李光顏助討賊想其
時輔光自聯名上奏故碑亦以其功歸之

乾隆乙卯十一月二十六日琴士趙紹祖
識





唐朱孝誠神道碑

唐故忠武軍監軍使寧遠將軍守內常侍員外

置同正員賜紫金魚袋上柱國贈雲麾將軍左

監門衛將軍朱公神道碑并序忠武軍節度

副使朝議郎檢校尚書職方郎中兼御史中丞

上柱國賜紫金魚袋蘇遇撰翰林待詔朝議

郎行常州司法叅軍上柱國曹郢書并篆額

天垂四星環拱帝坐降精成象崛起輔時內則

銜奉絲綸伏勤夙夜外則監護統帥鎮靜邦家

宜其榮冠貂蟬名垂竹帛公諱孝誠字孝誠京兆三原縣人也自姬周分姓由小邾建家隱屠肆而名動諸侯居里閭而勢侔卿相雲博肆直於漢世然據擢文於吳庭綿綿不絕世有榮位皇祖遊仙皇考珍玘並育德當年鍾慶于後公弱冠入侍以謹密見親咫尺天顏左右皇極克勤專對休有令聞貞元中德宗新平寓縣戎臣專閫多不自安任非其人情則莫達使乎之選朝廷爲難公時妙年早承恩渥累馳駟騎所至

風從對敷王休衆高敏捷累踐要職官更局丞幹蠱之聲自茲益大尋加朱紱銀章以旌能也元和初張伯靖負固叙州嘯聚蠻落公銜命于俶擾之際撫諭于谿洞之中遂使投戈感恩歛衽向化掉三寸舌息數州兵古人所難公有餘裕拜宮闈令上護軍以寵勞也先帝深憂漠北慮啓邊患公密陳嘉謀請城天德許詔既下仰辦於公量材揆日躬先板築闕一馬不敢南牧漢兵休懷西歸保護塞垣万代之利攻心闕二

復覩於今授承議郎內侍省內謁者監以酬勲也屬元戎授鉞問罪淮西恩加朝散大夫內侍省內給事以護許軍公素懷忠果狗國忘身闕一闕字竭家闕一以周闕一用時經行陣或被傷痍親自撫巡問以疾苦布皇恩於閩外推赤心於腹中士皆感激人百其勇故能綿歷三歲終始一心克定淮夷剪除荆棘遏合流下鄆城功伐彰明上每嘉歎遷朝議大夫內常侍旋以內憂請從喪紀詔命不許遽令起復是歲李師道闕三

字竊近郊憲宗移司空公光顏鎮守淮臺以行天討兩道全師委公監撫初入寇境方伺地形爲賊埋伏乘我未備公行從之騎纔廿人決機方寸之中奮發倉卒之際策馬直進突其堅鋒左拂右旋所向風靡以少擊衆古昔無儔威聲益雄士旅爭進收斗門下臨濮皆公之力賊平還鎮寵詔繼至加寧遠將軍上柱國澱蔡牢落陳許瘡痍二年之中四更節將公撫新懷舊軍郡帖然既盡禦衆之方真得監臨之體享年五

十一元和十五年七月廿日遭疾終于許州之
官舍部曲表請歸葬長安有詔追贈曰故忠武
軍監軍使寧遠將軍內侍省內常侍員外置同
正員賜紫金魚袋朱孝誠祇事左右勤勞歲時
言念忠誠常所委用出入內外迭爲監臨廉以
居貞和而得衆將我成命奉以終身憫以云亡
是有追錫昇階進秩式慰營魂可贈雲麾將軍
左監門衛將軍王人臨門哀榮備至公抱謙恭
之性有適時之才脩著勲勞曾無矜伐每受榮

獎憂形于色午叅之機變繆子之薦賢兼之有
也驅馳二紀出入四朝送往事居物無橫議方
將振翼天漢展步雲衢蒼蒼不仁摧我貞幹夫
人王氏輔佐成家克修婦道中饋有譽借老忽
乘痛移天之禍盡晝哭之節嗣子富乎鎮監軍
朝議郎內侍省掖廷局監作上柱國士俛能襲
弓裘善繼先志明時並侍匍服監臨榮闕一六

姻貴昭聖世次子士倫初從筮仕投跡要司皆
蒸蒸之心願申罔極以遇久同王事脩詳勲績

桑田非久陵谷易遷傳之不朽在乎貞石銜悲
紀叙無愧乎詞銘曰


入侍重闈出奉紫泥星纏往復駟騎東西伯靖
負阻嘯聚五谿宜我威恩草彼昏迷北難獫狁
侵擾黔黎乃城天德上干雲霓下視虜馬遠如
醜雞桀闕一態盡窺塞無蹊再監淮許滅蔡乎
齊智勇雙高功名日躋紫綬金貂恩寵極兮悲
涼部曲嗚咽鼓輦佳城白日草露淒淒

長慶元年歲次辛丑二月戊辰朔五日壬申建

觀邠國公功德銘幾以裴李滅蔡之功全
推之梁守謙今觀此碑又幾以光顏血戰
之功盡委之朱孝誠矣當時監軍冒功受
賞史削而不書可謂有識然伯靖之降天
德之城史皆有其事而亦無一語及孝誠
者非此碑之傳世其不復知有孝誠乎此
亦孝誠之幸也又按裴度往蔡視師悉請
罷去諸道宦官監軍此朱孝誠者何以得
留忠武軍也豈當時度請之而憲宗未盡

從之耶故余之留心于叙錄者非獨古物
可愛亦以廣見聞也乾隆丙午六月六日

趙琴士識



唐苻璘神道碑

唐故輔國大將軍行左神策軍將軍知軍事檢
校右散騎常侍兼御史大夫義陽郡王食實封
闕一字一百戶贈越州都督刑部尙書苻公神道碑

銘并序

銀青光祿大夫守中書侍郎同中書

門下平章事充集賢殿大學士上柱國

闕三開

國侯食邑一千戶李宗閔撰翰林學士承旨

兼侍書朝議大夫守尙書工部侍郎知制誥上

柱國河東縣開國男食邑三百戶賜紫金魚袋

柳公權書并篆

闕一

公諱璘字元亮其先琅耶人曾祖諱

闕二

州刺

史大父諱暉遊擊將軍頴王府左

闕一

事典軍

贈青州刺史烈考諱令奇昭義軍節度副使試

太常卿開府儀同三司琅邪郡公贈

闕一

部尙

書左僕射公實僕射長子初公與先公俱爲薊

裨將會薊亂因奔於潞潞帥薛嵩署爲軍副嵩

卒其

闕一

分移隸於魏魏帥田承嗣知公父子

有材畧各以

闕二

右職處之承嗣死子悅代爲

帥悅與李納輩鄰封通謀不軌引兵寇

闕一

東

攻磁邢天子命并帥馬燧潞帥李抱真督諸軍

合討之戰於洹水悅軍大敗王師進逼魏城時

公與先公在重圍中悅賊虐日甚衆心離拚先

公密語公

闕四

十九年闕事多矣不能遠引古

日安史以還亂臣賊子甚衆于今有噍類遺種

者乎今悅叛亂有狀覆滅無日吾豈能以黃耆

之歲陷赤族之誅乎汝部

闕四

騎勁卒若捨吾

爲質率屬歸降不唯

闕一

吾心亦足斷賊臂全

家徇國吾死無恨可不務乎公泣曰悅忍人也
某苟脫去將不利于大人奈方寸何先公曰不

闕三師四字吾與汝猶几上肉待俎醢耳且

汝不去能全吾乎是父子俱死于逆地汝從吾

吾死不朽汝不從吾吾亦死吾闕一字不暝死一

也而逆順禍福相去万里闕二字疑為公俯伏不

能對時燧知公才畧勇敢使闕一字以禍福諭公

與先公之言畧同繇是公計遂決乃使家豎潛

通其闕一字燧因遺公犀帶以示要約公於是率

所部闕二字降燧由是寇始弱而王師益壯燧既

納公署為軍副以聞詔授特進試太子詹事兼

御史中丞封義陽郡王實封百戶既而悅引責

先公先公讓曰公闕一字親背主亡在旦夕某教

子效順殺身成仁闕一字之死某愈於公遠矣又

何責焉悅大怒躍起先公從容不撓視死如歸

獲所之禍遂延于家属俄闕一字公闕二字搏膺闕

字號闕一絕泣血忍死竟終先公之志焉燧闕

字就撫勉復列上其事德宗皇帝嘉而悼之詔

金石文錄 卷七 五符璘神道

公起復加左散騎常侍兼御史大夫賜晉陽第

一闕二縣闕二十闕二贈先公戶部尚書貞元

元年李懷光闕二反詔燧以河東之師討之公

為燧心腹之將將五千先濟河與西師合勢據

要同收長春宮降徐庭光懷光平加闕一封闕一

字戶二年西蕃殺邊攻逼鹽夏公闕一偏師擊

虜解闕一而還三年從燧入覲擢拜輔國大將

軍行左神策軍將軍知軍事復賜靖恭里第一

所藍田田十闕二貞元初德宗之幸梁還也懲

神策軍兵闕一將輕緩急非有益乃蒐卒謀帥

以公充選時謂得人禁暴戒嚴上心倚賴闕一

年丁鄧國太夫人憂起復本職初先公之罹魏

禍也太夫人潛匿以免及悅死詔迎于魏加號

鄧國夫人賜宴於別殿以示寵異上又思先公

之忠烈再贈尚書左僕射公之弟琳授檢校太

子賓客瑯琊郡公瑤授忻州別駕瑯琊縣男皆

號開府分領禁職賞與公同忠勞也公居環衛

凡十二年上知其忠勤謹重方將大用不幸寢

疾以貞元十四年七月廿四日終于靖恭里賜
 第享年六十有五贈越州都督其年黃鍾月庚
 申日塋于京兆富平之闕一臺從先僕射之兆
 也夫人長樂馮氏封長樂郡夫人先公而歿至
 是祔焉有子四人曰濟曰闕一曰澤澈
 前為邠寧節度使後為河東節度使太原尹比
 都留守檢校兵部尚書御史大夫瑯琊郡開國
 侯食邑一千戶襲實封一百戶今上元年再贈
 公刑部尚書贈夫人長樂郡太夫人從子貴也

按國典官至三品墓得立碑又按闕二令諸追
 贈官品得同正經曰立身揚名以顯父母孝之
 終也禮云銘者論撰其祖先德善功烈慶賞名
 聲明著後代所以崇孝也順也今苻氏作率舊
 章碑于墓不亦宜乎今瑯琊侯論撰先德銘于
 碑其可闕乎矧僕射之忠若彼尚書之順如此
 舉而書之可以勸天下之為人臣人父者瑯琊
 公之顯揚又如此附而贊之可以勸天下之為人
 子人孫者將欲篤前烈垂後嗣俾永永有光

重為銘云

國步將泰必有忠傑家聲將作必有孝節烈烈
苻氏世生才哲惟公先公越在叛戎相時度勢
禍將及宗闕一逆杖順天誘其裏捐軀以義教
子以忠遂秉大節密授于公惟公桓桓千夫之
雄違情稟合號泣旻穹天啟其初神贊其終克
繼父志卒成後功天子嘉之寵命有融乃膺任
用乃著勲膺出領王師掃蕩關東入統環衛肅
清禁中再加真食大啟土封弄印珥貂焜耀厥

躬噫寵非不隆秩非不崇不將不帥闕三充善

闕一慶流生瑯琊侯念祖與父厥德聿修授鉞

邠郊移旆并州西壘比門克壯其猷文承詩禮

武襲弓裘三葉濟美時無與儔蒸蒸瑯琊揚名

報恩闕一第三命賁靈九原澤闕一窀穸銘煥

輿璠既肥其家又大其門貽燕之謀垂裕後昆

褒崇之渥闕一葉流根偉乎哉神嶽有基靈河

有源古人云非此父不生此子非此祖不生是

孫誠哉是言誠哉是言

中書省刻

闕二字

官昭武校尉

闕一字

京兆

闕一字

城

府折衝上柱國邵

闕一字

和


闕一字

字

璘為符合奇之子附其父見唐書忠義傳此碑記事較史為詳而與史略同惟合奇祖父與璘弟及子史皆不載其名而得見於此碑雖間有殘闕其存者不可謂不幸矣家監潛通馬燧遺帶史所不書護兵還齊嚙臂為別碑亦不著此其異焉者也碑又曰西蕃嚴邊偏師擊解當是馬燧次石

州之舉而使璘別將耳碑無年月金石文字記引金石錄云題中書侍郎同平章事李宗閔撰宗閔太和七年為此官今按史宗閔太和三年為吏部侍郎同中書門下平章事傳云遷中書侍郎而未記其年表曰四年七年罷為山南西道節度使八年至京復守中書侍郎同中書門下平章事九年六月始貶明州此碑之立上距璘卒蓋三十餘年而宗閔自大和四年至九年

前後兩為中書侍郎亦未必其定立于七年也乾隆辛亥從姪漣漪出此碑因書於後琴士識



唐阿育王寺常住田碑

大唐越州都督府鄞縣阿育王寺常住田碑

舊碑是前闕一趙州刺史徐嶠之書 前秘書

字闕一正字郎萬齊融撰 順陽范的書并篆額

韓持鐫

我聞語寂滅者本之以不生而菩薩不能去資

生立法談逍遙者存之以無待而神人不能亡

有待為煩吉闕一之降帝農教以耒耜蒼靈之

下后稷俾其播種故維摩之毗耶稽首持鉢尚

詣於香積釋迦之給孤洗足着衣猶乞食於舍
 衛闕字一知夫食者不獨乎人天農者豈惟夫政
 本阿育王靈塔寺者晉義熙元年之所置也昔
 孔雀氏闕字一童子之因果當金人之授記暨鐵
 輪位正寶塔功成計鳥道之千里占人寰之一
 勝夜叉密跡以飛行神僧護影而圍繞雖方壇
 氣象已萌青石之符而員頂光明未質白雲之
 狀迨觀音應現而幽贊利賓虛求以昭發全身
 踊出憊如多寶之音一爪圓開宛是樓那之相

神其不滅道在茲乎晉安帝允釐三才成就六
 度聿圖蘭若式印招提景行阿育王故以育王

靈塔闕字一稱首徒觀夫輪奐規矩鈎繩剏製珠

軒翠檻延袤中霄玉霽金池周羅上界環海之

下流元氣大地為衣圍山之上結太清諸天作

蓋信方廣一都之會也左赤岸而千里右青闕三

字曲霞標莽蒼幽幽迷鬼谷之祠日剏晶明的

的識丈人之館天花未雨宿傳龍界之香地籟

無風時起魚山之梵則知定光諸佛悔天台之

赤城羅漢羣仙謬崑崙之元圃

闕二

法惟神授

道乃人宏向使輪柯王昧巴連之因初微此塔

迦葉佛晦闇浮之跡殆曠茲山蓋虛明之絕境

不可得而思議者也粵寺東十五里塔聖常往

田者宋元嘉二年奉

闕二

所立也宋文帝秉籙

御乾作娑羅之外護感閣耶子砂糗之供制賜

是田梁武皇握樞臨極為寶應之下生見阿育

王金粟之果勅蠲其賦日月盈止既有命以自

天陵谷迭

闕三

動其

闕一

地梁普通中沙門僧

綬茲寺之應真也以發行為道場以直心為淨

土聞純陲良田之喻遂篤志焉既種既戒載芟

載柞察地道之化成觀天道之時變晤是

闕一

無

闕三

始以常住名焉次有僧濟上人虛已淨

心紉茲慧業披衣畫其塋埒持戒整其疆畔苗

而不秀有恨何及逮陳隋之季喪亂荐臻農野

蕭條鞠為茂草我皇家執大象乘飛龍陟丕土

帝之耿命紹復先王之大業有山棲曠和上道

尊人傑德貴天師中宗孝和皇帝親降璽書願

同金輦擊鼓而陳其入國造船而捧其登座故
知二乘行道闕二字朱闕一字四果適時還陞紫殿

雖植衆德本作南山之福田種諸善根存東臯
之淨業初湖之左右來壤二區榛梗始艾蓄畬
粗立僧徒理勝力未贍農童牧因閒私竊種藝
和上闕一字家俗之貪垢負冥期之幽報乃推湖
西易壟讓為閑田數諍歸之春稅就給惟割湖
東十頃復古賜地窮海北漸魯山南麓樓子根
盤以東峙富都股引而西注真陸水膏腴之沃

壤寔神靈滋液之奧區於是奠其畎畷孚其版
籍農野罷侵田峻至喜人到於今稱焉前寺主
簡皎二法師僧祇之龍象也就先疇之畎畝敦
老農之底績葳事作製蓑笠來思者久之歲功
未成生厓共盡流沙忽去荒涼紫陌之田影壁
空存搖落青園之寺可為長太息者矣有惠炬
闍黎德業淳修魯統綱領道勝之韻生而能言
禪悅之味老而彌篤用能纂其闕一字始高軌可
追庀其委積長算斯遠與法言沙門俗姓喻氏

貞已密行惠心苦節今屈知墅任垂將十年先是馬鹵未斥塗洫未濬臺稗翳蒼湯於農郊夫其心畫制度目闕一曲折荷鍾畚土堙窪鏟凸隕竹落撻石留漑高湊仰增卑陪薄分殺水怒承達土氣填掄游盪而時至餘波寬緩而不迫終古旱害浸以汙潢冬不祈於積雪夏無漿乎小雨由是湖有千金之號焉當其春鴈司載田事既飭產孚甲毓萌芽或薦或藜實穎實發上農臺而課長贏汶陽之稼如雲矣及夫寒蟬紀

時農乃登穀兒積聚築場圃乎不遺秉贏無闕字庾而督收成海陵之倉非衍矣詩云綽彼碩田歲取十千其是之謂乎百穀既蒸萬供既設滿以衆香之鉢薰以毗耶之城或異聲聞若化菩薩虛高座以影集時洪鐘闕四座而坐飯食經行嗅若香風味同甘露遍滿一劫周流十方聞之者得未曾有食之者咸登正位白衣之會龍國無掘鬱金之香緇裳之集雞寺不碎菴羅之末三藏大闕三金之奇貴一器沙彌識妙坊

之非重資我飯色師之力與都維那元宗遊方
觀化大字闕一慈誘火耕水耨常有助於上農飛

杖浮杯令載行乎中國上座釋辨疑十城之僧

主也闕三合金杵發其脩微寺主釋惠敏九州

之維那也風骨天成鐵鎮起其靈相咸能以如

來之衣衣分如來之座坐護育王之靈塔願賀

金錢闕二王之聖田思模石柱弟子早校蘭書

式典騏麟之閣晚遊蓮跡每叅鸚鵡之林賓頭

盧之下空急見有能師子舍那私之入寺豈謂

無知老人識異博文才非能賦既公不事曾供

香花願越有緣遂瞻碑版滿笈多之石室未擲

其籌對輪王之金地且耕其筆多羅之葉而書

偈云

渾儀草昧象物紛拏或甲而乙或萌而牙萬殊

成類百寶攸嘉故后稷播其種神農嘗其華其一

燧人更運火正司職教以鬲飪炊之黍稷易茲

毛茹成此粒食是之為人天是之為皇極其二我

聞維摩曾語舍利如來大慈甘露上味又見阿

難問是香氣亦有以飯食以之為佛事其若長

者主若聲聞人天諸居士地虛空神如聞飯氣

而亦來臻况生生之位闕一有待之為身其猗

歟童子供茲砂糗法王大慈冷然虛受伊鐵輪

以授記從滅度後何寶塔之庄嚴得未曾有其

鳥道於許人寰在哉鬼神冥運風雨潛來白雲

湧出青闕二開闕一千輪之蓮跡建百福之花

臺其宋帝下生梁皇外護大稷賜疇司農蠲賦

阜壤闕一發湖源灌注既魚鱗於左右亦犬牙

而盤互其菑畬平秩蓑笠來思爰疏畛畷是務

鋤犁三農闕二万畝祁祁自膏腴而兼倍矧雨

露與華滋其懿茲開土賞功司過悅以犒勤闕一

字以肅情東作方喜西成是課始象耕而鳥耘

終牛春而鳥駮其千箱既積五穀斯分味蒸甘

露闕一涌香雲執云菩薩而謂聲聞搏須彌所

不能盡曷毗耶之足薰其藐尔赤松猶田白玉

矧伊塔寺神通付囑信矣育王能生金粟彼鄭

國之泥紫如富都之水綠十我來自東經行成

幸阿育王寺

趣淨業斯闢善根方樹式紀因緣匪在章句庶
 金田與石柱永巍巍以常住
 育王寺碑後記 此寺碑記嘗為寇盜隳壞久
 無豎立有好事僧惠邱錄其舊文藏於篋笥又
 與老宿僧明秀志註寺主僧志闕一上座僧栖
 雲都維那僧巨嵩會議重建其碑焉余美其樂
 善會剡越間有隱逸之士曰范的業文功書未
 遇於時常萍泊雲水間余邀以書之添聖境遊
 觀之一事畧記端由于碑後云太和七年十二

月一日明州刺史于季友記

范處士在育王寺書碑因以寄贈

明州刺史于季友

墨妙復辭雄扁舟訪遠公雲天書梵字霜月步
 蓮宮跡寄雙林下名留劫石中遙知松逕望粟
 葉滿山紅

時在育王寺書石中丞使君寄贈四韻奉

酬本韻 處士范的上

拙藝荷才雄新詩起謝公開緘光佛域望景動

星宮風雪文章裏書鐫琬琰中將誰比佳句霞
綺散成紅

石有圯者曰闕一音柳

右阿育寺常住田碑本萬齊融文徐嶠之
書以廢于盜太和七年明州刺史于季友
邀處士范的重書之而自為後記且附與
的相酬贈二律於末按碑記寺田之興廢
其事本不足道齊融文殊雜沓瑣細的書
雖源出聖教而運筆亦覺草率所以錄之

者欲以見當時長吏之好賢其綢繆無已
有如是也呵殿之勢盛而寒素却走諂媚
之徒進而風雅道衰可慨也夫甲寅五月
十一日琴士偶識

舊唐書賀知章傳有賀朝萬齊融並文筆
俊秀名揚上京而以朝萬為一人齊融為
一人疑傳寫之誤而即此撰文之人也于
季友頌之子有惠政于明州見新書地里
志註而傳不載故又識之

金石文鈔卷七終

